



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ალაზნის ველის ნამოსახლარები

ალაზნის ველის ნამოსახლარები, ბრინჯაოსა და რკინის ხანის ნამოსახლარი გორები, სადაც ადამიანი დასახლდა ადრინდ. ბრინჯაოს ხანაში.

მათი უმეტესობა (ალავერდი I, II და სხვ.) შუა ბრინჯაოს ხანაში მიუტოვებით, შესაძლებელია, ურწყავი მინათმოქმედების კრიზისის გამო. გვიანდ. ბრინჯაოს ხანაში სარწყავ მინათმოქმედებაზე გადასვლის შემდეგ ა. ვ. ნ. ხელმეორედაა ათვისებული. მდ. ალაზნის ქვემო დინების მარჯვ. ნაპირას არის გორების ჯგუფი (ტყის ბოლოს გორა, რუსის გორა, ვასილგორა, ასანურგორა, ძველი ანაგის გორა და სხვ.), სადაც ადამიანი განუწყვეტლივ ცხოვრობდა ადრინდ. ბრინჯაოს ხანიდან რკინის ხანამდე. უწყვეტი ცხოვრება შესაძლებელი გახდა ხელოვნურ რწყვაზე დაფუძნებულმა სამინათმოქმედო მეურნეობამ. ასეთივეა ახმეტის ჩრდ-ით მთის ფერდზე ილტოს ნამოსახლარი (იხ. ილტოს არქეოლოგიური ძეგლები).

კ. ფიცხელაური
